

Ka BJP ka la pynjot pynpra lut ia ka ri India baroh kawei: TMC



ka Mahua Moitra

West Bengal, Rymphang:

Ka Myntri sorkar jong ka seng Trinamool Congress (TMC) hapoh West Bengal ka Mahua Moitra ha kaba iakren bad ki lad pathai khubor ka la pynpaw iaka jingbitar jong ka seng ha kaba iadei bad ka jingleh donbor jong ka sorkar ha kane ka por ba mynta bad ka la ong ruh ba ka sorkar mynta ka la long kum ka ksuid naba bun ki paidbah ka la sheptieng iaka.

Kumta ka la ong ba ki don bun kiei kiei kiba pynlong iaka seng TMC ba kan pyrshah iaka jingleh bad ki kam jong ka sorkar pdeng. Kum shi bynta naka jing pyrshah jong ka seng iaka sorkar pdeng ka la ong ba wat da u Myntri jong ka sorkar pdeng hi u Anurag Thakur u la pynshur bad pynbor ia ki paidbah ba kin siat. Kumta ka Mahua ka la ong ba hato ki paidbah kim dei mo ki khun jong ka ri. Katba ha ka liang jongki pat la i kumba ki paidbah ruh ki dei pynban ki lehoh bad kumta ki dei hok ban shah siat pyniap.

Kumjuh ruh ka jingjed jong ka sorkar ia u Myntri sorkar ka BJP u Parvesh Verma uba la shah khang noh haduh 96 kynta ha ka Election Commission ban itai hapoh ka Lok Sabha.

Kumta ka la ong ba kane baroh ka long ka jing-gialam bakla jong ka sorkar bad ka pyn matlah jubor ia ki paidbah ba watla ki paidbah ki iohi iaka jingleh donbor jong ka sorkar hynrei kim lah ban leh eiei bad ki hap ban shu sngap jar katba ka leh.

Ka Mahua Moitra ka la ong ruh ba ka jingpyrshah jong ka seng kam long tang naka bynta ka ilekshon Assembly ka ban long ha Delhi. Hynrei namar ki kam bad ki jinggleh jong ka BJP hi kaba la pynjot bad pynduh lut khait ia kiei kiei baroh ki hok bad ki long tynrai ba ka ri ka dei ban don. Ka long ruh ka jing shukor ka ba khrav haba ka sorkar ka kular ban kyntiew iaka

ioh ka kot jong ka ri bad kumjuh ruh ban rat dyn-gkhong iaka jing kyrduh kam ha ka ri naba ka sorkar ba mynta hi da leilei ruh kam lah ban leh eiei naka bynta kane. Hynrei ka la pynsyier bad pyntieng pynban ia ki paidbah jong ka ri ha kaba iadei bad ka jing shakri niam jongki lyngba ka jing wanraha ia ki aiñ kiba lah ban ktah ia katto katne ki jait bynriew bad jait niam kiba don hapoh ka ri India baroh kawei.

Kumta ka la ong ba ka sorkar ka don ia ka bor bad ka don ruh shibun ki nongkyrshah. Kumta ka lah ban leh katba ka mon khlem khein snep shuh iala ki paidbah kiba la kyntiew iaka bad ai bor iaka ba kan iohlad ban synshar iaki.

Hynrei ha kane ka por ba mynta ki paidbah ba bun ki hap ban shu peit iaka jingleh donbor jong ka sorkar BJP watla ka leh ia kaei kaei kaba long pyrshah ia ka jingsngew jongki.

Ha kaba pynkut ka la buh jingkylli ruh iaka sorkar da kaba ong ba ka sorkar ka don ia u tyllai hapoh ka kti jongka bad ka hap ban jied bad rai hi maka. Hato kam pyn donkam ia u tyllai ban phasi ia ki paidbah lade ne kan pyn donkam ban tan iaka um napoh jong ka pung kaba jylliew.

Da ka hukum jong ka Board ka sorkar ka la ong ba ka sorkar ka don ia u tyllai hapoh ka kti jongka bad ka hap ban jied bad rai hi maka. Hato kam pyn donkam ia u tyllai ban phasi ia ki paidbah lade ne kan pyn donkam ban tan iaka um napoh jong ka pung kaba jylliew.

Ki skhim ka BJP ka dei ka 'sit down', 'shut down' bad 'shut-up India': Sashi Tharoor

New Delhi, Rymphang:

U nongialam jong ka seng Congress u Shashi Tharoor u la kynthoh ia ka sorkar Modi halor ka jingleh bym suitniew jongka ia ka jing pyrshah jong ki jylla ba bun ha kaba iadei bad ki aiñ jong ka sorkar kynthup ia ka Citizenship Amendment Act (CAA) bad kumjuh ruh ia ka National Register of Citizens (NRC) bad National Population Register (NPR) ha kaba u la ong ruh ba ka BJP ka la dei ban buh kyrteng ia ki skhim jongka da ka 'sit down', 'shut down' bad 'shut-up India'.

U Tharoor u la ong ruh ba ka BJP ka leh bym suitniew ia ka jing pyrshah jongki paidbah bad kam sngap ia ka jing dawa ki paidbah hynrei ka pyrshang ban pynjot pynpra ia ka jait bynriew bad ka ri baroh kawei bad wat ban pynduh ia ki rukom im

tynrai jong ki jait bynriew ba bun kiba don hapoh ka ri India. U la ong ruh ba ka ri India mynta ka la shah phiah sha kiba bun bynta bad ka la wanraha iaka jing ia kyn-ad hapdeng ki Muslim bad ki Hindu bad ka jingia kynad hapdeng kito kiba kyrshan bad kito ki bym kyrshan iaki kam jong ka sorkar pdeng. Kumta u la ong ba mynta ka rai ka shong sa tang ha ki paidbah jong ka ri India hi baroh kawei ba kin jied la ki kwah ba ka ri India kaba thymmai kan long ka ri jong baroh ne tang jong ki katto katne kiba ka sorkar BJP ka ibit ban pynlong nong India.

Shuh shuh ruh u la ong ba ka sorkar ba mynta ka la ialam bakla lut ia ka ri bad ka jait bynriew bad bun naki skhim jongka ruh kam lah shuh ban pyn urlong namar ka jingleh thok jing shukor bad jing bym suitniew jongka iala

ki jong ki paidbah kiba long hi ki nongthaw jongka. U Tharoor u la pynkynmaw ruh ia uwei u nongialam ba khrav tam jong ka ri India uba long ruh u kpa ka jait bynriew u Mahatma Gandhi ha kaba u la ong ba wat u Gandhi u la kren ia kine ki kyntien bad ong ba ymdei ban beh noh ia ki jait bynriew Muslim naba ka long pyrshah ia ka aiñ jong ka ri bad ka jait bynriew.

Kumta u Tharoor u la pynkut ruh iaka jingkreng yong u da kaba ong ba ka India da leilei ruh kan nym lah ban long ka 'USD 5 trillion economy' lada kam lah ban kot sha ka 12 percent shi annum ka jingkieh ha ka ioh ka kot jong ka ri baroh kawei. Hynrei kane baroh ka long tang ka jing mutdut biej bad ka jing phoh sniew jong ka sorkar katba ka khlem da leh eiei ban kyntiew ia ka ri bad ka jait bynriew lajong.

GOVERNMENT OF MEGHALAYA OFFICE OF THE GENERAL MANAGER DISTRICT COMMERCE & INDUSTRIES EAST KHASI HILLS DISTRICT:::SHILLONG. Advertisement for training courses including Tailoring, Knitting, Carpentry, etc. with a table of dates and times.

STAR CEMENT LIMITED advertisement featuring images of cement bags and contact information for the Regd. Office in Lumshnong, P.O: Khaliehriat.

Financial Results table for STAR CEMENT LIMITED, comparing quarterly performance across various metrics like profit, revenue, and equity.

SHYAM CENTURY FERROUS LIMITED advertisement with contact details for the Regd. Office in Lumshnong, P.O: Khaliehriat.

Financial Results table for SHYAM CENTURY FERROUS LIMITED, showing quarterly financial data for the year 2019.

GOVERNMENT OF MEGHALAYA SECRETARIAT ADMINISTRATION DEPARTMENT (NAZARAT) NOTICE regarding the supply of Tea Sets etc.

Da ka hukum jong ka Board Na bynta ka Shyam Century Ferrous Limited Sd/- Aditya Vimalkumar Agrawal Director